



59568

Mag. St. Dr.

Teol. 5785.

*Banasiewicz Adam Casimiri: Bellerophon vir
innocentiae academiae Regiae insiden*

R

c

L

A

T

[

BELLEROPHON

Vir innocentiae,

ACADEMICO PEGASO INSIDENS,
Contra Othomanicam Chimæram procedens:

B. IOANNES CANTIVS

Confessor: Regni Poloniae Patronus:
Almae Universitatis Cracoviensis Patriar-
cha, & Sacrae Theologiae Doctor:

recurrente eius Solennitatis die, 19. Octob:
Anno Domini 1690.

Becijs, ad Ecclesiam Parochialem
SS. CORPORIS CHRISTI,

& SS. Apostolorum PETRI & PAULI:



In Nobilissima hospitum corona

DEMONSTRATIVS.

Debitaeque pietatis, & cultus devotissimi ergò,
Luci publicae expositus:

A

M. ADAMO CASIMIRO BANASZEWIC,
*In eadem Universitate Cracou: Philosophiae Doctore, Sacrae Autoritate
Apostolicae Notario: protunc Gymnasij Becensis Directore.*

Anno Domini 1691.

99.

CRACOVIAE,

Typis Francisci Cezary, S. R. M. Illustriss. & Reuerend. Dñi. Episc.
Cracoviens, Ducis Severiae. Necnon Schol. Novodvorsc. Typogr.

In Stemma Illustrissimæ
M E C Z Y N I A N Æ
P R O S A P I Æ.



59568

Cur ROSA non terret spinis pungentibus ista?
 Pungere non ambit, sed recreare cupit.
 Quem capit eius odor? vel quis festinat ad illum?
 Virtutis comites, Purpura, Mitra, Toga.

ANTONIUS ROGULSKI.
 Alumnus Becensis.

Ma
 D
 M
 Cont
 M




reis, i
 corona
 hoc, r
 liriā
 hac r
 si alte
 caven
 rus na
 tes v
 eiusde
 taq
 sis;
 Vest
 dalbe
 iteru
 citq
 Atq
 qui p
 secut
 rem,
 Albe
 Ioan
 Patr
 talib
 gnif
 odor

A D
Magnificum, & Generosum Dominum:

D. STEPHANVM
DE K V R O Z W E K I
M E C Z Y N S K I

Contributionum Agrariarum, & Fumalium in Becensi Districtu,
MERITISSIMVM THESAURARIVM:
DOMINVM, & BENEFACTOREM.

 *Riumphalia consumati certaminis, & militiæ, super terram in æternitatem celebrans, novus Chimæra debellator, Heros Virtutum, Academico Pegaso insidens, alter Bellerophon D. IOANNES CANTIVS, non satis habens, Iagellonianis Laureis, ipsiq; celestibus adoreis eminere; etiam Rosâ Tuâ fragrantissimâ coronari, illâq; redimitus, in lucem prodire ultro ambit M: D. Facit hoc, ut palam orbi ostendat, Reginam hanc florum, Tuam verò Gentilitiam, sanctis quoq; Frontibus in coronam cedere posse. Non enim est hæc vulgaris aliqua, hortorum, camporumq; sed vaticani horti, quæ si alterius Paradysi ante maledictionem terræ plantata; quæ spinis carens, nunquam moritura, semel, inter immarcescibiles Romæ Laurus nata, sævâ hyeme nullis subiecta fati, flore, odoreq; ætates, non æstas vincens, semper immortalis, pariter transplantata, in Regno nostro, eiusdem Viroris, Vigorisq; bene sanguine Martyrij vegetata, humectataq; nunquam amittit florem, potissimum in vobis. qualem enim accepistis; talem hucusq; conservatis: si immortalem; Viret hucusq; meritis Vestris: Si candidam, nec Vos mutavistis colorem. quam sanguine S. Adalbertus, (quo stollam) lavit, tinxit: hanc Albertus Vester Meczynius iterum tincturam pari colore renovavit, pro fide Christi Martyr: effecitq; ut iam non solis lilijs, sed etiam Rosis celestis ille Agnus pasceretur. Atq; vos vel maxime soli Mecynij, soli Rosini, Poraiq; dici meruistis: qui primum uestrum Antesignanum, non orphano titulo, sed opere ipso secuti estis. unde Vestra Rosa etiam decerpta servavit, & servat odorem, (ut alios præteream) in Illustrissimis, & Magnificis Patruis Tuis, Alberto Meczynski Succamerario Vielunensi, Capitaneo Laycensi, Ioanne Castellano Syradiensi, Capitaneo Radomiensi, utrisq; optimis Patriæ Ciuibus; qui etiamsi expirauerint; tamen more Rosarum, immortalibus meritis spirant. Viuitq; Albertus in Filijs suis, Illustri ac Magnifico Casimiro Capitaneo: Ioanne Vexillifero Vielunensibus; quorum odor: quasi odor agri pleni est, cui benedixit Dominus; in cuius suavitatem,*

tem, currunt honores, currit fortuna, eminentia, census ultro se offerunt. Fragrantia eorum, Comitia, Areopagi Iustitia, Curia Nuntiorum Equestrium, ipsumque modernum Leopoliensis Commissionis Tribunal, vel maxime in Magnifico Casimiro delectatur, recreaturque. Sed nec Tua Rosa huius degener rubus; qui Stephanus ex Nomine, cum corona sis, vere in sertum Bellonæ: Marti in corollam cessisti; Vir imperterriti animi etiam illius horrendi, Borealis Leonis rugitum, ad quem totus Polonus orbis contremuerat, in omni expeditione, ductu Magni Herois Wielopolscij, minime expauescens; cum antea quoque iuisses in rebellem Cosacorum gentem inuincibili animi magnitudine, ad mille pericula, promptus, pro integritate Patriæ vitam dare paratus. Probavit Te Moschouiticus Mars, plenumque dexteritatis adhuc Tyronem militia, ad Grodek: cum vidit maturiorem posthac ad Cudnow in illo cruento conflictu, prodigum sanguinis: Te tanquam suum, grandi vulnere, in culmine capitis notavit, ut culmina quæque honorum, de Republica bene meritis scanderes; nisi gloriosius, honore dignus iudicari eligeres, Virtutiq; & meritis Tuis ultro se offerentem fortunam, magis expectares, quam quæreres. Ad quasvis ferme occasiones, pro aris, focisque plumbea tela, plumbea Tibi fuerunt: & in hoc tantum ferrea, ut ad siliceum pectus Tuum allisa, triumphales flammæ elicerent. Prætereo hic Magnificum Illum Albertum Germanum Fratrem, Pocillatorem, Chelmensem; quem melius eadem prælia, maxime verò Berestecensis conflictus loquitur. Erubescio hic inculto ore cultissimum Magnificum, ac Generosum Paulum alterum Fratrem, S. R. M. Tribunum attingere: est enim hic magnæ Virtutis, & meritorum, dextrâ olim Achilles, nunc eloquio Cyneas, ex utroque Reip: prodesse par; quam ut eliberaret, ipse ordinatus ad regimen militaris, præsidij, ad Wylucka obsidione orthodoxanicâ circumdari maluit; ibidem acutissimâ per medium sagittâ (ut uiuat Patria) amans Patriæ Filius transfixus. Nunc verò domi consiliorum oraculum, omnis scientiæ capacissimum depositum, etiam literatissimos Athletas amulari sufficiens, in animis omnium triumphat. prorsus plantatio Rosa Tua, quasi plantatio Rosa in Iericho. Probant hoc pro complemento, Vestri de Kurozweki Dobielai, orbis Poloni Atlantes, nec sub mole eius succumbentes. Probant Illustrissimæ Iordanovianæ, Korycienscianæ, Warlzycianæ, Tomicianæ, Sczawinscianæ, Dabscianæ, Gniewoszwianæ, aliæque Principes huius regni Prosapie: qua odore vestra Rosa allecta, illectaq; consanguinei tbori Vinculis coniungi curauerunt. Probant Dini calices, quos consanguineos in Albertis babes: quorum socius D. IOAN: CANTIVS novus Bellerophon, in odorem illius accurrit, quem quod grato animo admittes, non iam de sybilla, sed Rosa Tua folijs auguror, hanc gratitudinem recompensabit in Filijs Tuis, institutioni Palladis Iagellonice destinatis. Illo ergo favente, germina hec Tua, uberem fructum dabunt: Filij Tui sicut Novella, iam non olivarum, sed Rosarum addent odorem odori quorum & ego cum me Præceptorem agnosco: totum me in Illustrissimi sanguinis, & Nominis Tui, profunda venerationis, authoramentum configno.

M. ADAMUS BANASZEWIC Philosoph: Doct:
Director Becensis.



ORATIO

Liberam hanc, intra cuius ambitum, vivimus, gentem, ex libertatis genio, servitij insolentem, alieni iuris impatientem, suis legibus uivere, cardinibus stare, aureaque eius privilegia, necdum in ferreum canonem cessisse, iuste miror: dum tot retroferreis annis, immanisveta bella, stupendam, & inexplicabilem, illorum compagem, pariqve fatorum inclementia, in nos, devolutam, aliorum ex alijs, renascentium remeantiumque vertiginem, finem Vnius mali, mox gradum futuri, expendo, recogitoq; O. A. Ab avis, atavisque, per tam grande, non mortalis ævi spatium, sed Vastissimis quibusvis euertendis imperijs, fat longum, veluti Soli Marti, Bellonæque devoti, malisque omnibus, non hominum, sed Regnorum, Rerumpublicarumque vitalem Spiritum, encantibus, addicti, perpetuò, in sanguine natamus. Quid est respirare à bello? quid pace florere? nescit nostrum lamentabile Regnum; semper sagati, nunquam Togati, sævæ armorum voluptati, furoriqve Martio, continuò lustra, terimus. Alijs, famâ, modò bellum auditur, concesseruntq; superi, tragædiam spectare: nos semper, in theatro Bellonæ, cruentas scenas, cladibus innutriti Actores, expedimus. Nunquam nobis, securò in specula hac Christianitatis excubantibus, dormire licet, confines æmulationi, ceu litus, insanientis pelagi æstu, ferimur, auferimur, absorbemur.

Nunc gelidus, siccâ, Boreas bacchatur, ab Arctos;

Nunc Notus, aduersâ, prælia, fronte gerit:

Vndique fremunt immani murmure venti. Sensimus has

iniurias: nec spes, nobis certa salutis erat: quoties ille, rebellis Provinciæ turbo, non simplicis decoctionis, detonuit, pacatasque res Patriæ, in chaos, ut misceret, erupit, pessimamque ludibrio calamitatem auxit! quoties ille à gelidissimo axe personauit fragor, dum ignara Moschorum gens, quantum iuris ad servum Dominus habeat, pro fæce rebellum, vel quavis iniusta, belli cupiditate, claudicum occinit! Ominosa illa à Septemtrione tempestas, magno, spei tumore, concitata: quanta, in visceribus nostris, acroceraunia, quantos scopulos fecit! ad quos, concussi navigij nostri Rector, in incerto fuit: quid fugiat, petatque dubius (ambiguus enim stupet ars ipsa malis) nosque omnes, Baltici illius Neptuni, Vorticibus circumacti, propeque absorpti, nullius fortunæ nostræ, Vix liberi animi possessores, omnia in aliena potestate, vidimus. Ut omnes, latorum tabulæ, ferirentur, ab undis, animasque nostras, opprimerent fluctus; nempe ut, tot hostes, quot finitimos haberemus, etiam Transilvanicis Furijs, crudelique illarum motori, & auctori, ad latrocinia, ad odium, ad contemptum, imbelli populo, gens audaciæ, & fortitudinis, tam robore dextræ, quam animi magnitudine, aliarum facile Princeps, patuimus. Quid cognatæ acies, amica, collata signa, bellum illud, sine hoste, cui decernere nemo, triumphum poterat, o quam intus damna pudenda fecit! Quid ille sceleratissimus, gentium latro depredatorque; qui primus omnium, Satietate famem paravit, cogeruntque illum diuitiæ esurire? immanis ille orientis Draco, o quam bestię huius, Podolia strages, Ukraina bustum, Russia præda furentis, primaque castra, vixque Tyranni non offa? Quid scythæ nati è scopulis, nutriti lacte ferino, gens eadem Velocitate, & fugiens & persequens, Dij boni! quas dolendas prædas exercent: nihil, contra ipsos, arma nostra proficiunt: nec pacem ferunt, nec quod suum est, illis impredientibus, recuperant. Ardēt Ilium, incensaque Danai dominantur in Vrbe, spectare tantum Troianis, non defendere licet. Exitialis equi, laxat claustra, dolosus Cameneensis Sinon, in perniciem Sarmaticæ Troiæ, armatos Stenellos

nellos, Tyfandrosque, de fatali illa Machina fundit, panditque;
lati illi, quotannis, cauo se robore promunt: insperati Vici-
na invadunt, ferro, flammâque tecta, delubra, templa Va-
stant: bona, fortunaſque diripiunt: amicos, propinquos, con-
ſanguineos, liberos, coniuges, tanquam armenta, amplius
paternis laribus non reditura, pellunt, aguntque præ ſe, Threi-
cij canes. Pars impudicis venditur Thracibus: pars Taurica-
nos, cogitur ſequi ſcythas: cæteri, quibus, pulchrum eſt, in
armis, mori, dant corpora neci: alij verſa terga, turpi & bar-
baro hosti iam nobis domesticis, probroſas leges laturo con-
cedunt. O æterna labeſ, & irreparabile damnum! ô fata!
ô tempora! ô crudelem Martem! Ergone his, tantisque ia-
ctata malis, tamque continuo, illoque aduerſo Marte preſ-
ſa Polonia deſperabis? minimè ſentias ſane inſenſum, tibi, bel-
li Deum. *Sæpè premente Deo, fert Deus alter opem: Mulciber in
Troiam, pro Troia ſtabat Apollo. Æqua Venus Teucris, Pal-
las iniqua fuit.* Oderat Eneam, magis amore, proſeqvens
Turnum, Saturnia Iuno: adfuit illi præſto tutelare Veneris
Numen. Sæpè ferox Neptunus, Spumis tumens, prudentem
Vlyſſem, occidente Syrenum cantu, profundis voluit abſor-
beri aquis: hunc tamen defendit & eripuit patruo *Sæpè Mi-
nerva ſuo.* Adeſt & tibi, amica quouis ſiniſtro, aduerſoque Mar-
te, tot victricibus laureis redimita, Iageloniana Pallas, &
cùm benè noverit maximè horrendum Orbis monſtrum,
immanem, triumphantium Chimæram, integritati Tuæ, re-
busque ſtrages minitantem: en in Subſidium legionum tua-
rum, caſtum Bellerophontem, Virum innocentia, rectaque
Sapientia ſcuto armatum, D. IOANNEM CANTIVM, in
ipſam debellandam expedit. Amans ille, Patriæ filius, quò
Regni neceſſitas vocat, promptus alacriſque hodie adeſt;
rem noſtram cadentē ſublevare: res felices reddere: calami-
tatibus ſubuenire: publicam vincere fortunam, præſtareque
miſeris novum fatum promittit. Procede ergo, magnanime
heros: probatiſſime, Chimæra domitor. Te vnum Turcis
belluæque iſti fatalem loquimur; cùmque bene ſciveris, me
extra Heliconem, iam aliquot annos manere, Vngulâ Pega-
ſi Tui

fi Tui, in hoc submontano Saxo, non iam Boëciæ, sed Be-
ciæ; vnde in Tuas laudes, copiosius flumen haurire possim,
novam mihi Hypocrenem elice. Spectabis O. A. congregi-
entem cum hoc teterrimo monstro, tamdiu; quamdiu, trium-
phale Io, vnà mecum, non occines.

Cruento Marte, rigidoque eius certamine, parta Victo-
ria: digna triumphu portio, dignior maiorque silenti armo-
rum strepitu, clausoque in Vagina ense. Etiam quippe, imi-
tes feræ, Sanguinem, confligendo, fundere norunt; non
cruentare terram, & metere laurum, hoc notandum, hoc pro-
bandum. Cæso, deletoque æmulo, tripudiare, commune
belluarum: parcendo Vincere, non premendo reprimere, no-
vos, absque sanguine ducere triumphos, novum prodigi-
um. Hanc normam Vincendi, didicit, suosque edocuit co-
ronata laureis Pallas: sub eius Vexillo, non cruentæ acies: non
diræ cædes: imite prælium procul; Victoriæ tamen, immar-
cescibiles palmæ: comulativim percipiuntur. Displicet illi pol-
lutus sanguine mundus: armorum gloria, ex Regnorum e-
uersione, illi ingloria: trophæorum Magnificentia, ex gen-
tium clade, non Magnifica. Siccis nonnisi gaudet adoreis:
humidas, madidasque sanguine laureas, diræ Cereri avarâ
falce metendas reliquit. Nec tamen Martia pectora, Regnis
magis prodesse possunt: quam ægide Palladiâ coruscans Se-
natus. Quid cataphractus Achilles; si non scuto Mineræ
armatus! Spatiosus, in sua latitudine Briareus, in voces, &
iugera se extendit: ut ipsum proprium partum natura exhor-
rescat, quoties vacuus Mineruâ: solo Marte in Iouem audax.
Nempe Palladis, vel solius præsidente Maiestate, Sceptra
fulgent: diademata, augustis capitibus firmiter inhaerent:
fasces etiam turbante Gradivo, securè manum implent. Na-
tant verò, fluctuantque aristæ, ubi steterunt pergama, eunt-
que fati malevolis, in ruinam etiam munitissima Ilia, quo-
ties Hæctori, eiusque Imperio inimica Pallas. Atque nos Gens
Lechica, maximis diffundi gaudijs, & in lætissimos applau-
sus, abire iure possumus, cum Deam hanc, nobis amicam
certò certius experimur. Trabeatum hoc, Regni Nostri so-

lium

ed Be-
offim,
gredi-
trium-
Victo-
armo-
e, imi-
s; non
c pro-
mune
re, no-
odigi-
uit co-
s: non
nmar-
lli pol-
um e-
x gen-
doreis:
auarâ
Regnis
ans Se-
ineruâ
ces, &
exhor-
audax.
ceptra
erent:
t. Na-
eunt-
a, quo-
s Gens
pplau-
micam
stri so-
lium

lium, augustumqve eius Sceptri decus, in tristes tumulos,
etiam violentissima fata, nativo suo pondere, trudere non
possunt: nulla nigra silentia, & altæ oblivio gloriæ, invida
posteritati, ruderibus sepelire. Efferveat Bellonæ furor, lethali
rabie certans pertinax, in insolentem ludum ludere nata, sævo
læta negotio, nunc nobis, nunc alijs benigna, ad alios
transferre coronam intentet; totum hoc, ictu suo eludet
semper Victrix fortunæ sapientia. Est est Iageloniana Pallas,
fulcrum Orbis Poloni: dum ita eius indolem, Virtutibus, di-
sciplinisqve instruit; ut alios ad astra, alios ad castra: hos ad
admirationem, illos ad venerationem, cultumqve producat,
promoveatqve, At quorsum sui, immemor abripitur Oratio?
quid in solius Palladis laudes involat nimium audax pen-
na? Non error est, in hoc amæno diverticulo spatari. Neq;
enim hic locus, CANTIANIS laudibus, omnino vacuus.
Quidquid vel voce efferi, vel mente concipi in laudes A-
cademicæ Palladis potest; totum hoc CANTII est; si illa,
absqve sanguine triumphat: & hic cruenta non erigit tro-
phæa, nec Iovem Capitolinum sanguineis negotijs gravat.
Si hæc, fulcrum Orbis Poloni; ille Athlas: si illa Medusæ,
monstrorumqve victrix; hic longè terribilissimæ trifaucis
Chimæaræ Victor novus Bellerophon. Firmum huius, præ-
nuntiumqve, teste Lucinâ, adhuc in cunis documentum
fuit; in quibus sævum, Sacro lauacri Baptismate angvem,
alter Hercules postquam eliserit; statim tanquam ad maio-
ra, natus, in hanc Chimæram irruit, furibundam. Sed
putasne hoc, imbelles, facileqve veniam, ploraturum ani-
mal? quod est tremendissimum, Orbis Monstrum, flammæ,
instar Æthnæ evomens, medijs in partibus hircum, pectus
& ora Leonis, caudam serpentis, Vel ut alij volunt Draco-
nis habens. Si Leo eius rugiet, nonné pavebis? si Draco
attollet caudam, quâ tertiam partem stellarum traxit, non-
né tremes? si hircus, fætidam carnem olens, suum tibi
propinabit sanguinem; nonné etiam si adamas fueris, rum-
peris?

peris? Ait CANTIVS. & Leo fit, aliquando minimarum avi-
um, pabulum. Imbellem hircum, mos est, mactare co-
lonos. Draconem, in Hesperidum hortis, inermis novit
sopire lyra. Siste gradum iuvenis! non est tuarum Virium
hoc certamen; in quo, tot validi, robustique Achilles, fracti
ceciderunt. Ceciderunt, (inquit) Sauli, ut resurgerent Pauli.
Non ergo illum, amor Parentum: non Catonis supercili-
um: non atrox bellæ forma, visque deterruit, nec fulminantis,
magna Iovis, manus, si fractus, illabatur Orbis, impavidum
ferient ruinæ. Armenis ergo: saltem scutum, galeamque in-
due: pete tibi à Vulcano umbonem. Quid ad hæc? Integer
vitæ, nullaque pallescens culpa: nullis, Mauri iaculis: nullis
venenatis pharetris eget; sive per procellosas syrtes: per Saxa
Maleæ, & inhospita Tauri culmina, facturus iter. incorrupta
fides; nudaque veritas, ipsa sibi firmissimum scutum. Imme-
mor ergo fui, prodigus vitæ, si opus fuerit: memor gloriæ,
atque æternæ Patriæ, omni impetu, bestiam hanc aggreditur.
Ascendit Iagelonianum Pegasum; cuius Ungulæ, seu verius li-
beralitate, Hypocrene immensas scientiarum dedit aquas;
novus fesor in præliatrici Studiorum arena, non ad Vanam
ostentationem, otiosum circulum; sed ad metam gloriæ, o-
mnisque honesti, cum hasta Mineræ, rectum iter ducit.
Quoties cursum currit; toties primus ad coronam. Aliorum
desides equi, calcaribus, Vrgendi erant; eius Velocissimus
alliger, fræno cohiberi debebat. Non eguit, Magistra Vir-
tus eius, Monitore; ipsa tacitis exhortationibus, ne gradum
remoraretur ad metam gloriosi propositi, sese stimulabat.
Et licet Pagasus eius, Solaribus equis, ad bonum velocior;
nunquam tamen, in tam celeri cursu, cecidit ita; ut subleva-
ri expeteret: Collapsæ, tantum animæ, & quæ, terræ inhæse-
runt erigendæ; veluti imbelles, absque ulmo vites, nonnisi
serpere possunt; laurus & palma adhuc in trunco triumpat, dum
vertice alijs antecellit. Tantæ ergo virtutis, tantæ felicitatis,
semper honesti metam tangens heros, in feraci Laurearum

arena

arena, laureâ donatur Apollinaris: utque ipse, thesseram, modumque ad certamen, alijs præbeat, Decanali induitur paludamento: nihil novum, inusitatumque accipiens: nec novus, honori isti hospes accedens: nec personam, nisi titulum mutans. Docet ergo in literario ludo cursum: alios cadentes in rationibus, sublevat: alijs claudicantibus, sua promptitudine succurrit: Theopompos frænâ, Ephoros calcari urget: omnibus, ad unam metam, rationem, modumque ostendit. His tantisque bonis, supra cæteros, auctus, hocque tam bene exercitato, in acie Palladis, Pegaso, ad mille pericula promptus, Draconem debellandum primò aggreditur. *Sed quis huic bestiae similis? Et quis potest pugnare cum ea? cui datum est prælium facere cum sanctis, Et vincere eos?* potest IOANNES CANTIVS, tot gratiarum nomen hoc, ex ipsa prolatione, illi terribiles: quem, adhuc, in utero, per sanctificationem debellavit. Atque ut magna corpora, quò ipsa non attingunt, Umbram tamen porrigunt; sic huius nominis magnitudo, à longè etiam, inferorum potestati, horrenda tremendaque est. Iam verò, eius candidâ, purâque niue purior-innocentia, profunda humilitas, cur non, contra hanc superbam bestiam prævaleat? hæc vel sola inimicum gratiæ, omnisque peccati initium, superbiam debellat; quam semel pertaxus Dominus, semper odit; parvulis autem, altaque contemnentibus dat gratiam suam. Quòd si eius humilem sensum experiri iubes, discere illum, in omni verbo eius: in omni gestu: quo, neminem molestus læsit, ad verba aspera, etiam ludibrijs provocatus non exarsit. quæ, si audivit, libenter tulit. Innocentia verò, si est ex Romano Oratore, puritas animi omnem iniuriæ illationem abhorrens, CANTIANA est. si triumphus eius non peccare, ubi liceat, Io triumphale debetur CANTIO, sic triumphavit. Non in quemquam, Verbum molestum, & si poterat, emisit: non linguam effrenavit, sed frænavit, afflictionem consolans illis:

Conturbare cave; non est placare, suāue:

Diffamare cave; nam revocare grave.

Assurgit tamen, immanis hæc bestia, semper circuiens, quem devoret, etiam in CANTIVM. Sed frustra assurgis. illa ipsa *Mulier amicta sole*; quæ semel IOANNEM sub Cruce, in Filium accepit, ipsa non dubito *conteret caput tuum*. Audax tamen, hisque minùs terrefacta bellua, hæc tentare non desinit. Assumit mille formarum, discolorisque usus ille infernalis. Vertumnus, hirundinis speciem, huc & illuc pervolans, strepitu alarum, celebrantem protunc impedit. sed non distrahit. Quid hæc eius præsumptio? Aper, clauam Herculis momordit, & in ipsa audacia periit? sic Draco hic, mendacis plumæ hirundo, Sanctis manibus arrepta, ad terram percussa, audaciæ suæ, & inconsultæ pietatis luit pænas. Atque sic gloriosè debellato, prostratoque Stygio Dracone, alteram in medio, partem, hircum aggreditur Hircus, fætidæ carnis, impuræ Cypriæ repræsentativum. Dat vim roburque huic meæ intentioni illud Pòetæ effatum. *Est eruca salax*, indexque libidinis hircus. Quid ergo CANTIVS, quæ arte, ut eum vincat vitur? nempe istâ:

Compedibus Venerem vinctis constringe Lyaum;

Ne ipsum muneribus, ledat uterq; suis:

Nullum, liberæ suæ voluntatis, Diva illa potens Cypri Regnum: nulla castra, apud illum, Cupido posuit. Castra enim eius, sine Cerere, & Baccho nullibi subsistere possunt. At apud CANTIVM, in exilio Ceres, in carcere Bacchus: ambo non sui iuris, ambo alimenta: fomentaque suppeditare non poterant. Si quæris, quis victus eius? panis fame durior cinere conspersus. potus eius lachrymæ *Cacubum* & *prelo domitam caleno* nunquam gustavit vivam. Non Falernæ vites: non Formiani colles: non ipsum quoque vile Sabinum; sed aqua, in poculis exuberabat: tota mensa, ieiunium, cupediæ, fames: lectulus & Viridaria eius spinæ. omnia denique ad nauseam naturæ, sed ad amorem gratiæ. Vnde vidisses CANTII Vul-

tum

tum, nunquam Serenitatis, nisi Diuina specularando, semper
maeroris, & tristitiæ, super mundanis, characteres portantem.
genas, sanguine exsiccatas: membra, Vegetatione, nativoque
calore destituta: totum corpus, flagellis, ieiunijs, laboribus
fiactum, debilitatum, extenuatum vidisses. Ita ad hunc vin-
cendum fætidum, grauèque olentem hircum processit. elegit
famem, in mundo cum hædo; vt cum immaculato Agno,
cælestes epulas, sapidissima æternæ Vitæ fercula gustare, su-
mereque mereretur. O heluantes in dapibus suis Caligulæ! ô
excessivæ, in gemmeo luxu Cleopatrarum! ô detestanda Vitel-
liorum pocula, æternæque ignominiæ damnanda, O come-
dones. quantum sapientia in ventre, Minerva sine cibo fri-
get! erubescite hic, dum ecce abstemium CANTII corpus,
quò magis deprimitur, eò magis, ad capienda quæque
cælestia sublevatur. Vigor animi eius, in tam continenti
corpore non obtorpuit. fames illa ita exacuit mentem eius;
vt cum cætera, tum sacra illa Mathæi Evangelia, iam vix
quatuor digitis, à morte distans: quia septuagenarius, quasi
cygnus, qui quò propior morti, eò pulchrius canit, lucidâ
facilitat., aperta subtilitate, rebusque refertâ, illustrare capax
esset: iam ergo ô BEATE CANTI, binas Chimæarum vicisti
partes: adhuc Tibi caput debellandum restat. Nec caput im-
bellis alicuius bestiarum: sed potentissimi animalium Regis, circa
ipsum vndeque eminentiæ, potentiæ census, honores: in
stabulo eius, onustus aurò asellus, in triclinio, fulgurantes
gemmis parietes: bonorum eius, Cræsus dispensator, Mydas
famulus: ambo servi. Quæ, ergo bella, putatis, movit? qui-
bus armis usus est? contemptum divitiarum: detestationem
honorum opposuit. Mittit, ad eum mundus, obtorto col-
lo vincit. in fortunam, fidelitatem, constantiam, obsequium,
eius virtuti promittit. Respondet. Non me iuvant Regna,
non *lydius aurifer amnis.*

Nec quas, terrarum, sustinet Orbis, opes.

Hæc alij capiant, liceat mihi paupere cultu:

D

&

Vita

Vitâ beatâ frui. Diffuge immunde Munde, fallax, quæ
offers: affluunt subitò, repentè dilabuntur: in plausibus inci-
piunt, in gemitibus desinunt: nulli personæ fida, certaq; huc
& illuc acta, quos in sublime extulerunt: Vel ideò, vt gravio-
re lapsu, in profundo cladium, miserabiliter destitutos im-
mergerent. Sprevit itaque deseruitq; omnia magnifica, læta
fluxu, tristia refluxu: divitiarum contemptor, gloriosissimus
transfuga. Fugit persequentem, cæcam hanc, stultorum De-
am sapientissimus, vsq; ad sacram illam, Hierosolymæ se-
dem; ibi Veriorem thesaurum in cruce Christi inventurus.
Abit Romam, Vndique per viam, etiam latronibus, vltro
aurum offert; vt aureo, animarum illarum; quas hac sua san-
ctitate in sortem DEI traxit, lucro; Regnum cælorum com-
parare possit: domi, vel maximè clementissimus pauperum
Pater. Nempè, quidquid CANTIVS, de Mundo habuit, di-
spersit, erogavit pauperibus. Nouerat illud quod

Tum furit horribilis pardus, tygrisq; leoq;

Cum caveas: inclusos arcæa repente tenet.

Sic etiam nunquam, furit aurum immanius arcæ

Quàm cum illud Dominus claudere parcus amat:

Quid ergo facit? nè ipsum crudelis hæc fera feriat, lethali-
que vulnere sauciet. *Quæ quo plus clausa est, plus feritatis habet:*
Solvit illam, in liberumque spatiandi campum dimittit, pa-
scens, quos, aspera vexat egestas. *Protinus hac mitis, redditur*
arte fera: sicque gloriosè debellatur. O triumphatorem! ô
novum Chimææ domitorem! vbi robusti Alcidae, fortes
Samsones: triumphat, hic ille victor, novus Bellerophon:
immanis Draco, fætidus hircus, potentissimus Leo, tota
Chimæra, sub vindice, eius planta gemit. Assurgunt illi
triumphales arcus: excelsæ pyramides, non iam eboris nive
albicantes, non gemmarum fulgoribus radiantes, sed suarum
virtutum cimelijs coronatæ. Ipsa illi virtus pretium: spolia
terrarum, ab aureis venis emendicata turpis egestas. Accen-
dunt

dunt illi diem immortalitatis, non Metallorum fulgor, sed factorum radij, & virtutis fax, oblivionis nigram noctem dispellens. Acclamat illi, Ecclesia: terra applaudit: Cælum ipsum, quod ille violētus expugnauit, rapuitque, suis eum adoreis coronat. Ergonè superba trisfax Orientis Bellua, trium partium mundi, iniquissima Domina, Othomanica Chimæra, amplius triumphare speras? Ergonè spurcissimum os, rabidasque Tuas fauces, nos devoraturas arbitraris! Contremisce certè contremisce, ad hanc novi Bellerophontis manum; quæ fortitudinem Tuam, in virtute DEI conterere potest. Quod David ad Philistæum; hoc CANTII nomine ad Te peroro. Tu venis ad me cū gladio, & hasta, & clypeo; ego autem ad te venio in Nomine Domini Exercituum, & dabit te Dominus in manū meā. Exiguam hanc Militis Poloni manum ne contemnas. Virtute apud nos certant, non numero Viri, & protectione sanctorum. Nec in populo multo, sed cū levaret manus, Moyses, vincebat Israel. Quòd si turba multitudoque nostrū requireretur, potest CANTIVS, his ossibus; quæ iam in pugna tecum ceciderunt, ut resurgant, imperare: qui tot, è loco Umbrarum mortisque resuscitavit. Manus transfixæ globis, iterum ad arma, eo medente valent. Tyras nobis, cæteri que effusissimi fluvij etiam demersis vitam adimere non possunt; cū tot vitā absorpti, eo intercedente, iterum ad illam redierunt. Aqua ipsa tibi Venenum: nobis, cū CANTIVS voluerit, etiam, cum violentia naturæ, ut olim propter ancillam, in dulcissimum lac commutabitur. Sed quid hæc narro? Vnus hic; contra quem, nec portæ inferi prævaluerunt, solus vincere, debellareque potest IOANNES. Castra ex hac una voce casta procurrere, acies prodire videntur. Non se iactet Annibal, Romanorum oculis terribilis; quod vnum eius brachium mille dabat manus, gladius, arma legionis effingebat; ille autem ipse vnus equo insidens, totus exercitus videbatur; veriùs hic Noster Academico Pegaso insidens Bellerophon

phon, se vno multiplex, & mille simul dextræ, densus mica-
re ensis, & innumeræ, possunt: in casside eius, cristæ reful-
gere. Euge, ergo Polonia, erige animum, solve crepitacu-
lum raucum, & triumphale lo occine; qvòd tantum victo-
rem, Protectoremqve habeas. Tu verò, orbis Poloni deli-
cium, annosa Mater mea Alma Universitas, tanto Filio
lætare. Bellerophon hic, qvòd contra tam flâmiuomam
Chimæram processerit, Tu effecisti. Tuus Pegasus: Tua di-
sciplina, Tua proinde elogia, Tuæ Panegyres. Applaudit
Tibi rea gratitudinis inculta Oratio mea, bene tamen ve-
stita, debiti vectigalis cultu promptitudo: gaude, fruerèqve
tanto bono longæuè fortunata: sit indefinens Heliconi-
ani fontis Tui promotor: Patriæ propugnator: Otho-
manicæ semper Chimæaræ domitor
BELLEROPHON.



mica-
reful-
bitacu-
victo-
i deli-
Filio
omam
ua di-
laudit
en ve-
reque
iconi-
tho-

Biblioteka Jagiellońska



stdr0017223

